

悅
親
樓
詩
集

悅親樓詩集卷十七

丙午

海寧祝德麟止堂

古今體詩八十三首

咏影格子

爲著方空式鈔胥紙乍伸烏絲描不隔翠墨寫由勻
基局樞形似帷燈取意真尋行原井井正筆乃循循表裏
光能洞縱橫道共遵範圍本天地繩糾協君臣如此斯
無忒其然在所因力餘防透背用罷轉全身自有條難
紊從知德可鄰九宮虛費講入法暗相親匡物偏居下
生花任出新文房聊小試納軌悟治人

元夕容齋饋酒

上元喜有華燈爛下若愁無美酒醇
豈少卹酤霑兩醉
卻如里婦捧心顰三杯好對頭
同月一飲都關宿世因
去歲茲辰拜嘉後直教歡釀過殘春

團拜

旅進何來集紛紛及歲正邦畿民所止
團拜禮斯行鄉
黨須恭敬同年本弟兄霓裳天上話
社肉里中情會館
先謀地傳單次列名載興風在下
三讓月初盈序齒毛
猶燕論心跡暫并侑歡絲與竹洽
興瓊加觥嬾僕拾華
禡饒庖覯冷鱸年年修此舉當不慮寒盟

送西席丁揚先學博駿還松江

知交言性情竇主論報施性情君
實投報施余堪愧垂

老貢成均請業橋門肄未有縞紵歡得不失交臂吾黨
徐玉崖其人端且藝殷勤爲余道埽榻亟延致雖乏平
生親一見心已醉及其相處人有善靡不備爲學多所
貪於物寡所嗜余方師事之何敢當執贄君謬以師兒
道事余

曹素失學厥質又不慧韓相金銀車衰師篋管駢漸恐
先世來詩書澤遂替所賴得賢明玉成萬一冀嗚呼風
俗偷世以儒爲戲弟子謀捷徑先生昧經義京師名利
場士各有所爲第假東道主聊充逆旅地自從君戾止
我心乃竊慰通經并大春習苦張仲蔚教術固多端先
之以孝弟循循眞善誘怠者亦知勵文章雖小道乾坤
付清氣有物斯有言安用富蟬蛻君能析理脈以爲下

學利就其思路通宛轉爲開示偶然得進步蹈舞喜不
寐時而安昏惰勸勉或垂涕夏闌燈火暗講習弗辭勤
推其屬望心較我夏真至辱荷君子德醴酒敢輟置所
慚一官貧未獲厚財幣去冬感肺疾忽動還鄉思今晨
得家書辭我竟南逝三年不爲淺欲挽苦無計聚散曷
足道此席定誰繼祝君善頤養相見倘可遂臨歧一揮
手有淚莫能制

深冬蓄水仙一盆二月中旬始放花

常恐春光促忽忽已及半東風豈無情不吹桃李爛蕭
齋坐閑寂突兀見此粲凍胎積久破嬋媿盈几案邈然
陵波姿芬芳斂不散滋培昔已勤冰雪屢無難終荷陽

春暉敢興遲暮歎

春曉

歸雁一聲去，遙天春思濃。
尚餘寒料峭，未覺夢惺忪。
薄雪晴初滅，長年閏正逢。
尋芳竟何處，鳥語更花容。

移居東鄰畱別畱硯齋三首

吾處覆載內，大千樓一塵。
濫通金閨籍，人海藏其身。
全家來京師，卜宅城南闈。
鷓鴣巢一枝，所占非廣輪。
何爲不憚煩，坐見移居頻。
從來作室家，堂構謀千春。
上以似先祖，下以貽後人。
京曹非土著，素業多清貧。
辛勤儻數椽，計月輸錢緡。
同是蓬萍蹤，彼此安足論。
視其所利處，去故而就新。
浮屠寄桑下，本無三宿因。

官居取吉祥好旺惡休囚鬼神操其柄擇處貴審諷凶
卽屋之咎吉卽屋之休每奉形家言以爲趨避由先生
素倔強不從方技謀飄飄隨所底泛若波中鷗果能信
平聲其術禍福非自求但下富貴地何人不公侯自居此
屋來亦閱五春秋官階無轉換時抱空囊羞晨昏親藥
裹一病三年瘳主人命窮薄所之罹百憂易地亦如此
於屋乎何尤家人競指說屋與公命讎先生終不顧歌
歎長優游今朝欲遷去遷去誰能畱吾聞鶯出谷嘉樹
從棲投彼亦未必喬此亦未必幽去住本無心任運兩
悠悠

此屋自昔年族祖號方壺官爲屯田郎構此手拮据顏

齋曰留硯欲令子孫居其孫克負荷簡田見好修通詩書

一從官翰林匱乏到米蔬債家權子母無計償迫呼舉
券屬他人庶幾空夙逋彼有且敝屣貧迫無遠圖我本
鳩占巢何有而何無棄之更奚戀欲去翻脚蹶友朋經
久處將別情有餘此屋雖傳舍晨夕常相於回頭憶始
遷五載同須臾臨行更灑埽當爲來者娛

新居種樹

結實成陰望豈乖參差嫩綠且陶懷十年爲計雖遲緩
畱與人看亦自佳

改官御史紀五絕句

三館迴翔廿四年一階轉似上青天而今老作商人婦

自抱琵琶別過船

聖恩仍許忝華資得換頭銜敢怨遲
回顧後塵盈百輩
木人都是土牛騎

從戎再北堪言勇自此藏刀不論文
試與較量相負處
未知是腹是將軍

改塗猶未脫寒酸莫漫誇張獬豸冠
畢竟文章能稱職
言官恐較史官難

已慙資序老蓬瀛諫院偏題最後名
識得佛家平等法
不妨前輩有門生

王瑤峯爾烈錢南園澧潘容齋曾起
辛壬閒禮閣分校所得士也皆先余

入臺垣科道前後輩
例視翰林而稍殺之

監試貢院登明遠樓

層樓突兀切雲齊一倚危欄極望迷孤塔白於斜照外
好山青到禁林西萬家樹色連宮闕三面城陰壓斗
奎不獨觀星臺逼近此中實有上天梯

同人步昆明湖隄作長歌

玉泉之水天下無注爲萬派環京都跳珠戛玉自巖穴
奔放實始昆明湖靈臺靈沼眾所樂異境迥與凡區殊
百重畫障蒼紫錯一奩明鏡雲霞鋪湖光蕩漾潑活翠
虹橋遠跨嵌珉珠水禽自來還自去中有荇藻菱蓮蒲
瑤臺瓊島羅列宿隔岸可望不可摹謂從九州寫名勝
翦金一一歸洪鑪大江金焦漢黃鶴杭之明聖蘇具區
世閒好景忽鱗萃移徙轉笑愚公愚雙堤蜿蜓作龍臥

迤東綿亙通闔閩內有稻田可百頃外有柳岸容千株
孤亭踞中象華蓋連蕞累棟神傾扶四檐橫扁刻 睿
藻帝鴻墨海驚霆驅此閒小憩得要領翻令眼界愁模
糊我聞漢家習水戰開西南夷誇雄圖武帝旌旗空想
像鯨魚織女埋秋菰 國家威德及四遠雁臣魚妾周
海隅 深宮宵旰鮮暇逸幾餘偶此畱 宸娛文王之
囿七十里芻蕘雉兔咸奔趨古今代異治道一較量名
實寧同符吾曹退直興不孤招邀勝侶三五俱徘徊隄
上狎鷺鳧不覺鄉思縈三吳三吳風景雖云樂豈若此
地真蓬壺於戲玉泉之水天下無

曹劔亭前輩以所著古雪齋詩集十六卷屬訂

因題五言一篇卽以代簡

黑雲如頽牆雨勢急於淄門前斷行迹扉板復誰叩賴
君子首詩破寂豁膏肓朝吟更夕咏不覺短炎晝君家
陳思王受才八斗富君能分幾許獨出冠時秀學海況
沈潛經籍靡不究旁通內典林博獵小說圓言詩得正
宗出語驚老宿大篇固煒煌短詠亦美茂五字尤擅場
長城堅莫寇義扶倫常眞聲本性情懋元音叶雅章澹
味含醇耐肆好楊柳風孔淑蕙蘭臭有時振旗鼓作氣
開逕竇鬱律蛟蛇蟠颯沓風雨驟君於斯道深老農習
耕耨所以操縱閒自然非矯揉老成久緬邈大雅失傳
授野狐競開堂牛鬼亦起鬪句必白璧裁字必黃金鏤

非裳亦襞積是核皆釘餽但知盛鞏悅那復顧營腴不然好艱深命意如射覆奇字書滿紙讀者難句讀以之欺愚蒙見或縮頸脰試觀三百篇有是二者不曷弗將君詩俛令沈溺救低徊溯出處君實 盛明蓮薇省賦

藥初樞庭視草又才名動公卿機務賴左右馬上騁豪

吟橐筆

豹尾後繼從木天遊旋復粉闈筵次第秉鑑

衡

君典試中州視學三晉

內外膺牙繡

由山東糧道內召授司業旋改補御史

書生

論遭際不可謂不厚顧其身世閒輾轉卻叢收亦病亦窮愁忽起忽顛仆宜其詩境奇鮮肥而多瘦卽今近七

旬名與身俱壽回頭五十年結交遍宇宙集端元晏序

箇箇皆耆舊

黃唐堂顧復初沈文憲錢文敏諸公皆有序

胡爲采斗箕商推

及鄙陋嗟余夙寡昧兩眼光如豆因君發狂言自顧誠
難宥待天稍晴霽屋角收檐雷酌酒邀王維謂露同來
砭子謬

送秋浦還豐潤卽次其畱別韻四首

罷官不繫戀而獨戀朋友欲別重徘徊要言亦已久食
魚但去乙飲酒莫濡首

從來松柏性不慕桃李花生具梁棟姿亦願植天家旣
經雷雨摧不如道上麻

石交能幾人各保歲寒節之子盛才藻蘭薰而玉潔低
揮庾亮塵高臥袁安雪

行藏嶺上雲富貴草頭露紛紛醉夢中盡爲浮名誤鷗

鷺有夙盟相送洵河渡

苦雨獨飲三首

六月入初伏，急雨不可當。我非王夷甫，何事排其牆。頓
令花竹區，化爲瓦礫場。端居意不懌，一舉累十觴。十觴
亦不足，要期醉爲鄉。雖無良友共，此中真趣長。高歌淵
明詩，意氣何激昂。一酌情已遠，再酌天忽忘。遺骸心獨
存，此語超老莊。身世固逆旅，神仙亦渺茫。但得日日飲
爲樂，方未央。

曩時官翰林，所事在文墨。漫漫當局幕，目不分白黑。終
朝但酩酊，此外匪所亟。今者忝蘭臺，厥職主糾劾。肝肺
生槎枒，鬱勃思報國。時清事無闕，一杯聊自得。比鄰

半親好昕夕阻顏色念我同僚友黽勉欲盡職

聖主獨容愚人情皆惡直奔波灤陽役恨不奮羽翼淫

淫霖潦中何處宿與食舉觴忽沈吟元蟬正冥默

此章懷劍

亭也

竹摧不可扶牆頽猶可起鳩工謀揀度雨勢方未止東
家爲誰何井竈實逼邇雞犬入我室僮僕窺我几主人
復召客轟飲作蚊市裸袒相叫吹意若喜其圯從之則
非類禁之又非理無端臥榻前鼾睡竟容彼人生天地
閒偏仄盡如此不如且飲酒吾醉罷休矣

齋宿臺中偕同事諸公夜話

柏影列參差翔鳥戢翼時天河耿耿宮漏度遲遲宵

景高明湛談鋒爛漫披不因將事肅聚散轉難期

寄懷沈五澹園清任四首

功名真底物草露及陽晞戎馬欣無恙湖山竟放歸詩
因吟竹瘦身豈食糠肥返服方垂橐艱難值歲饑

天鏡樓頭月香爐峯外雲證人誰講道眇予昔論文薪

火傳無盡臯比望不羣越中名勝地吟嘯正需君君時掌教

山飛

昨寄新詩冊酸哀字裏多死生雙幻境天地一悲歌海
內皆兄弟山中祇薜蘿冥情隨處適得過且婆娑

獨有紅塵客終慚寸祿縻報 恩心皎潔處世跡孤疇

墳墓天涯遠親朋晷景移西窗同翦燭太息更何時

送虞拊石大京兆 予告歸金壇

大臣許致身私家於何有老至及懸車進退亦不苟偉哉金壇公壯歲宏抱負通籍四十春閱歷仕途久 朝廷三輔尹實維左右手非賢則弗任貴有猷爲守清時 黻豪強無所用擊摭優游公贊化與之以慈厚朝哺悅老稚宵眠靜雞狗遂令輦轂間滋禾去稂莠 當宁方倚毗引年若恐後嫩績媿趙張高風希廣受公雖躋大 臺精力正陡陡熊羆畏笑談僇佞讓趨走昨春舉盛典 華筵集千叟賜杖天上來未須扶腋肘

帝嘉賢達志不忍奪孚岳恩與義相權逍遙息船考潭 州蔡相公謝政還組綬先後纔閱期林泉竟有偶 熙

朝多盛事嘖嘖萬人口此乃史冊榮白傅詞空醜秋風
布帆健扁舟達隴畝揮金譙鄰里選勝歷岡阜從容歌
太平浩蕩荅仁壽子孫況多賢逢吉且无咎鬱鬱歲寒
姿松柏陵蒲柳峩峩不騫德嵩華壓培塿公其善頤養
貳珍宿糗粳轉盼

大慶辰再霑耆筵酒

聖壽八句在籍諸
老禮得趨祝故預期之

露仲以余寓齋牆起花竹如舊戲投二律和韻

奉荅

若較名園具體微十弓聊與貯芳菲難尋物外成虧理
信有人間倚伏機冀土固應遭墮落靈仙或是解騰飛
坭垣嘉卉曾何與一雨偏教百願違

勤墾剋日旣修治，亟遣芳蕤滿擔移。人到鍾情天莫奪，我方敗興子先知。憂危終欠扶持早，培植堪令補救遲。從此晴明安壁立，晨昏抱甕敢辭疲。

立秋

礎閒溽潤未全收，一葉階庭已報秋。無米炊惟年熟望，不眠人漸夜長愁。鶴知警露傳清唳，雁爲謀梁慕遠遊。獨有銀河太寥闊，依然織女隔牽牛。

時爲七夕後二日

邱芷房編修

庭證

再典浙江試事詩以送之

油旌剋日去長安，前度親栽花未殘。鄉黨又欣宗匠至，文章須要滿朝看。路從熟徑驅車易，人到甘心下第難。珍重臨歧無別囑，與君俱出自單寒。

送門人吳茗槎

樹本

典試湖北

老我枯桐已過時，猶欣歲歲發孫枝。君當闕隴公明著，
昔曾典試陝西。今對金沙仔細披。維楚有材憑所度，斯文無命
在攸司。回思十二年前事，不覺臨分淚暗滋。
余於甲午命旋以聞訃未及成行

有贈二首

雨歇雲開日色晶，枝頭尚有一禽鳴。被他打起終無那，
聽汝傳來果不平。賀厦雀惟貪，茈得爲媒。鴉轉喜身呈
物情難向高明訴，丹鳳朝陽定幾聲。

不怕旁人耳屬垣，手中雨覆夏雲翻。早知禹錫交韓愈，
豈料陽城遇李繇。出汝戶庭誰任咎，昇之豺虎亦空言。

從今畚鍤勤修圃莫被狂夫笑柳樊

第三雄生名之曰構

生男固可喜亦視其稟受好男不須多惡男不須有好男多益善惡男一已醜家道有隆窳天心無薄厚墮地

聞爾呱豈不開笑口善惡未可知淳音含穀穀箕裘汝

兩兄所出盡同母先人命名意因奇而及偶

長子生先君子命之

曰箕意在舉大孫也

茲復三以參過望實天牖所恨背音容未出

請誰某今命汝曰構甬堂義有取敢期成棟梁庶免儕

蕭柳一經先代貽析薪要人負汝之村不材屬望正在

後啼聲聽頗雄或克免灾咎且開湯餅筵徧識待親友

咏庭中花卉二絕

秋色滿閑庭幽情於此寄多栽紅蓼花爲有江湖思
婉婉秋海棠幽思一何賒寧爲拔心草不作斷腸花

得表兄詹林司教書卻寄兼示令弟經根

君官萬山中孤僻類邊徼我有一尺書寄去未曾報別
來六七春夢中識言笑相思亦何爲衷腸徒繚繞昨者

剖雙鯉失喜狂欲叫云蒙長吏恩新得杭州調

君由景寧敘論

調取提點
敷文書院

都會聚髦俊采椽堪細校不比荒陬區搜索

尠材造思君卅載前神物寧馨妙騎驢入京國一背盛
名噪公卿致恐後官向齊門掃躋身青雲途不藉勢力
導豈知艱一第垂暮但司教淒涼苜蓿盤未足供羣唯
涓陽夙飽學物望山斗劭楚人不識璞抱泣至耄耄謂

當及子孫光遠自他耀君今此頭顱未必登顯要猶餘

絳帳風雨世繼傳道軍府開榮戟翰苑覲珪璋

孫制府補山受

業於先舅氏君及門亦有選館者

造化豐嗇閒夫豈人意料莫嫌本分

官令名斯爲孝巍巍萬松岡曩日熟遊眺左江而右湖

詩境最刻峭天遣蘇白才收拾湖山貌亦須稍停蓄毋

盡斲天巧微生後一紀君老余豈少浮沈紅埃裏豸繡

實忝冒在昔通籍初孰不期遠到成就只如此蹉跎空

自懊無田不可歸食祿鮮寸効惟此五七言生小同好

樂念子游京日唱和燭頻燒安得相攜來一室共舒嘯

君家惠連弟春末達音耗通經化海隅相見爲余勞

經根

亦秉鐸奉化

院中老少年一株見日則偃日過則起余戲名
之曰俯仰草而嘲以詩

強欲伸腰苦不支終朝偃仰弄晴曦舞風定讓三眠柳
向日寧同四照葵何必錦身兼繡項空慚鶴髮與雞皮
數竿修竹偏相映記取庭階獨立時

夕月壇監祭

西郊迢遞策花驄少采精禋禮數崇雙幄錯陳天水碧
星斗配位亦以幄凡籩豆尊彝四山遙映壇垣紅金波
及樂舞人等服色俱從月白
想像哉生際時爲八月南極分明夕拜中南極老人常
見於丙見莫道地行蟻黠賤今宵身到廣寒宮
晉天文志

曝書

貧官無長物汎若江浮舸惟此數束書恃以爲檣柁三百有六旬強半是枯坐四顧何所悅史右而圖左敢誇面城尊殆亦充棟頗腐儒深愛惜不啻驪珠顯古人數百輩晤對無弗可庶解愁腸迴時開笑口嗟誰知老蠹魚嗜好甚於我鑽研既洞洞穿穴夏瑣瑣深如香炷然利甚劔芒則似貪真味永未厭族居夥儻編頓剝落位置難帖妥風高天氣蕭搬弄策兒情塵埃力抖撒緇裘亟掀簞滿庭列几案秋陽烈於火老蠹身莫藏疾走各逋播偶逢踐蹴咸立被粉齏禍其或乾死者銀粉糝緇裹殷勤語老蠹爾生亦么麼此中無神通幾箇得仙果胡爲苦耽書致罹此輒軻老蠹笑且荅願君勿侈侈學

如薪火然孰傳孰負荷斯乃糟粕餘只供我頤朶曷不
傲郝隆曬汝皤腹果

與田果字異
義得重押

十六夜對月二首

爲問嫦娥恨若何圓時常少闕時多只如美滿佳人面
瘦一分還未覺過

雲過卻疑月退走舟行翻謂岸頻移人心顛倒皆如此
耳目何曾有定規

畊亭庶子邀諸及門陪遊法源寺看菊

我門有雀常無客門前但有門生跡冒來已足破羈愁
况復招邀動遊屐城西古刹幽興熟菊花已先去聲重陽
坼入寺不須僧導引買花一聽人選擇是誰翦刻布地

金照耀佛光毫相白千枝百朶各爭勝翠竹蒼松共標
格秋光如許不出門坐令憂心山岳積我豈堂頭豎拂

師隨行行者紛綦烏

謂從游諸子

莫嫌花下少壺觴莫道籬

邊無

采摘來遊倘夏三日遲菊場菊圃空蕭索

花開至三分售

送十一

人生此樂誠難得景物低徊念疇昔吟朋飲侶幾

箇存眼前人又將他適五馬已看孺子寵八騶行見安

仁赫

玉崖新選順德守容齋亦記名外用

有興誰昇彭澤籃有酒孰載揚

雲宅明年此會定不同那不對花增戀惜歸來痛飲且
莫辭檐際疎林正滅滅

鐵冶亭玉閭峯兄弟同爲學士作聯牀對雨圖

題一律

孰放匡牀老樹根，怡怡玉友與金昆。
分將冰雪才華豔，同占神仙窟宅尊。
蘇氏一堂佳話遜，元祐元年東坡除龍圖閣學士四年
出知杭州子由代之兩公先後爲學士未嘗同時也。
姜家大被至情敦，滿庭卉木皆交讓。
石瘦簾疎雨氣昏。

借菊溪密雲迎 駕途中雜詩十二首

出郭便疑塵境豁，聯鑣況有石交兼。
六飛來較羲輪速，葵向人人快就瞻。

盧龍塞走千峯險，伊遜河流一水長。
莫向柳城咨保障，時清廢壘臥斜陽。

蓐食雞鳴促膏車，日哺聊欲飽山蔬。
擊鮮一事輸君俊，

親鱸灤河活鯽魚。

菊溪屢經扈從余從未至塞外是日食鮮鯽故云

寒波作凌斷輿梁欲載先愁水入箱匹馬往還馱二客
渡頭如鶴立蒼茫

徘徊三匝鳥依枝土炕蘆簾解轡時駝圖酸風馬嘶月
宵分剩有客談詩

獨當省署開文苑兼泛滄浪學釣翁豈有清詞追薛璩

卻煩詩老入篇中

省署開文苑滄浪學釣翁璩句也工部懷璩詩益爲七言菊溪用拙句入

詩故引以誌愧

懸胡多半闊裁衣谷汲巖炊理不違經過牛欄山下路

裊斜風土記依稀

地多瘠俗與蜀棧居民相類以其飲澗水也

沙篆星星石卵斑近臨溪澗遠臨關霜蹄怪底殷流血

盡日車行犖确閒

三輔庠音提奚一要衝八垣老少仡崇墉環城面面皆屏

障惜少霜林著色濃

密雲山皆無樹

訪古還畱石匣營蕭條疎柳帶人行赤欄橋外明霞裏
汜埽無多輦路平

獵獵晨颺樹欲摧千官忍凍正遲徊翠華一過陽和

轉知有春從天上來

是日大風寒甚
過後風定旋卽和煦

朝署終年跡似麋尋詩雙眼眯塵氛無端秀色盈懷袖

新割檀州嶺上雲

發密雲回京作

畿甸登臨地驅車信宿程烟凝寒潦淨霞絢暮山明古
道黃花戍秋風石匣營年年迎翠葆歡躍萬蹄輕

漢嘉行送門人徐玉崖

長發

觀察建昌

昔人生不願封萬戶侯，但願生爲漢嘉守。載酒時作陵雲遊，君今一督連五州。健爲越嶲互縮轂，平羌江水東南流。唐蒙發卒司馬諭，羈縻自古勞邊籌。當年金川蠶二酋，天兵西討屯貔貅。資糧屏屨出嚴道，簡書調發無停休。一從犁庭設校尉，刀耕處處安耜耨。君今臥理堪優游，火井銅山利賴溥。熨僮竇女賅賦修，摩沙種戶侏儻俗。夷言漸變華音柔，燕寢凝香聽雅雨。觀察駐雅州雅州雨。班春行部驅前騶，蜀山刻厲盤蛇矛。嘉州緯繡修眉浮，三峩丹翠切霄漢。上有太古積雪橫，清秋願門福地恣幽討。靈境迴稱詩才道，君今好去毋夷猶。霰瀟瀟。

兮風颭颭車麟馬蕭旌旆悠煎茶坪前猿嘯苦籌筆驛

畔鵑啼愁風碣雲樓舊經歷畱題詩句還存不大羅天

上事已杳

君與余同舉庚辰鄉貢後十年而出余門下

玉筍班中人罕畱蒼

梧使者

潘曾起

魚復守

崔修紳

揚鑣先後紛征郵老我元亭

守寂寞舉盃何以消離憂君今好去毋夷猶玉堂粉闥

給事久

君先爲翰林待詔得第後擢兵曹

勤民察吏胡弗優記憶倘乘

叱馭暇尺書報我無嫌稠人生蹤跡眞浮漚君家乃在

春申浦送君直過大渡河西頭

十月十一日微雪

頑雲撥不開積暝壓檐重浩浩鴉鵲聲往來同一闕天
公不自閑戲把白羽弄竹閒聽微響凸處見先封屑屑

失瓊葩霏霏滋霧凇猶能欺馬鬣未足蓋瓦縫幽屏酒
興闌白戰詩情動畱待夜窗明相將月色凍

喜得方潭書知其新自粵歸卻寄

鬢眉赫赫蘇季子忽作半人習齧齒兩年未見一封書
不信世閒還有爾遊吳適粵山復川老去乞食誠可憐
卻教貞疾恆不死人生得喪寧非天黃金如山隨手盡
此日坐受妻孥窘形骸早自外跛腓意氣猶能學飛隼
酒錢但足休出門西湖風月好相親臨緘爲爾祝喫噎
更念東陽瘦損人

時聞瘧疾
已得瘧症

病中對雪作歌以當枚乘七發

丈夫生當斫賊滅國弔致身將相亦細事潛師直入淮

西軍夜半縛取吳元濟不然恣行快樂靡不爲死後賢
愚誰得知羊羔美酒銷金帳歌曲不負黨家姬胡爲出
愁入亦苦坐令氣味成酸腐袁安僵臥枉閉關孫康讀
書空踞廡今朝雪片大於萍檜柵爐中自煎藥得過且
過寒號蟲欲飛不飛紇干雀起來振臂一長呼出尋獵
騎三五夫攬身上馬逐狡兔割鮮野炙行干壺

燒香曲

博山鑪中火重雲鏡檻過雙烟裊一氣結換心香多撥
火見寒灰春山蹙翠蛾所歡意不屬悵望嗟如何

訪秋浦不遇

獨坐興不適非君誰可尋便思攜桂酒相與理瑤琴雪

意壓茅屋風聲團竹林鄰居猶不見况復嘆分襟

論酒五首

余雖非大戶有酒頗能審故鄉佳醞蕃紹興尤籍甚輪
檣走萬國華酌先去聲肴飴清冽味最真剛健性所稟烏

程上下若對之只潘潘如逢施嬾妍粉黛盡形寢百花

及苦露京口號名飲蕭誠縱可喜風骨太柔荏其他木

瓜橘香色闌十錦金樽琥珀光醲濁豈佳品妖邪充下

陳蠱媚辱衾枕三杯未沾脣已同鳩食甚此物別聖賢

爰向知音諗蓄酒蓄紹興用人用狼臆

李寬冒八百鐵石充逸少人心習趨僞萬事同一弔長

安盛獻酬費用乏支調良鄉及通潞造作鑑湖效水泉

昧淵源麴蘖仿材料桓溫學劉琨愈似愈不肖亦有南
來墾傭保工劫剽丸泥頂上光混沌鑿一竅縋幽龍過
山取酒之具
名過山龍濡縷魚吞釣盜之酒盈升償以水滿銚轉
疑投單膠感激軍心約酒貴人難求水賤人易要偶邀
親故遣開裘欲狂叫

好酒如故人惡酒如暴客故人雅纏綿暴客善攻擊自
從儀狄來釀法遍南北每讀古人書輒思造七到酒國

漢州鷺兒黃放翁頌其德脣州玻璃春天馬絕有力昔

余到錦官未獲醉斗石徒聞啞即詳馬
切音酒風殆卽郵筒

式三絕竝手柳漫向鳳州憶湘繡慕芳名欲往轍仍息
厥後使安定謂可酒泉覓葡萄換西涼亦未試涓滴古

酒今不存今酒古誰喫書生命窮薄口腹難安得不如
歸去來一任拍浮適非無狀元紅亦有十月白

幽并工撥醅水法未全昧溲薊名久馳滄涼品亦貴然
其火齊得終以燒春最回甘出辛癖作氣走精銳匹夫
勇固存君子德安在涪翁方玉珧詩法江西派余初口
銜箝近亦稍破戒更憶西遊時品評得大槩中山千日
枯蒲阪索郎廢庶幾汾陽產和神悅腸胃潞州誇羊羔
只合黨姬醉其餘外洋至瑣屑等自鄧兩年客會稽聽
酒不少貸越人能搖囊聽聲以別酒之美惡毫髮不爽蓋神技也有客餉酒油紹興
酒油蓋初蒸時元氣瀦成者色似燒春而味極和美清華浥沆瀣古時重元酒想
像或此味一別若耶溪尋常空負債

長水夏短水

余鄉酒名

不避淡如諷市酤太醜薄卹社壹醉

哄黃柏取寒涼炎毒雖罕中只宜揚雄箴豈合劉伶頌

稻田秋稔後家家歌霧松夜聽糟牀醉竊思臥近甕夏

愛初熟時微香透幕幪浮梁缸面起泛泛玉蛆弄孃名

何窈窕

酒之初泛者謂之孃周禮泛齊注成而滓浮泛泛然卽此物也

嬌滑初生湮布

衾努出頭陵晨一瓊送扁舟枯葦塘雪壓篷背重水天

寒一色十指連心痛忽見小橋灣竹竿帘影動三錢茅

柴酒兩椀頓回凍便擬挾飛仙相將跨白鳳此興自有

餘悠悠寄歸夢

閑居偶述三首

四時令當冬疾爲嗽上氣嗟余嬰此疾自春徂秋旣冬

寒則九劇喉噪痰涎沸草木固無靈空勞藥裏費人身
豈金石泥洹路非諱五十始就衰計齡蓋猶未蒲柳望
秋零撫躬增歎喟仙真亦虛無丹液那能乞安居順生
理治之以不治省事簡應酬節飲薄滋味如此且過去
閑中有餘地一日作兩日便是長生祕

早歲直詞館職業在文史一物有不知引以爲己恥老
大訖無成改官忝繡廡公事幸不多仍可鑽故紙苦柰
聰慧減掩卷輒忘矣安得記事珠一一存原委平生肄
業及謂可終身恃旁人試舉問約畧但疑似如逢熟客
面何處曾窺視心頭雖省識口已不能指兒曹背熟書
倒瀉銀瓶水燈窗琅琅然聽之豈不喜無如甘習嬾爲

學不勤理此事關福命父不能傳子余生嗜讀書今日
尙如此生子望其才不才真已爾

生當

聖神代釋褐遊天間事功難表見傳或由文章古人懸
日月罅隙希餘光千秋萬手抗妄想名山藏爲學非近
名求傳志已荒借此歌詠事聊爲行樂方長安少山水
登臨意徒狂下帷閉新婦舉目無所望有時吟興發翻
少詩題商家無麩蘖儲而欲成酒漿因思西使日乘輶
赴雍梁周秦古蹟富河嶽英靈長一日千百篇景物未
足償坐惜才分小兼苦傳遽忙籠篋歲已久逸思空飛
揚昔爲富貴子方丈賤膏粱今爲貧乞兒肉味無從嘗

感此三歎息投筆安能詳

大鵬寄夢樓間其將作楚遊以詩代簡

大鵬志冲舉翱翔入雲昊仙鶴厭塵囂徘徊在瑤島那
能學雞鶩畜養隨翁媪齷齪樊籠閒得得啄黍稻黃金
用易盡朱顏不長好誦詩慕青蓮萬古擴懷抱春江變
美酒月色賒浩浩搥碎黃鶴樓剗卻君山劍

雪竹

一徑韻脩脩瓊霏灑復飄碧鮮何頓失素彩卻相饒密
節侵難掩浮筠著欲銷粉書明个个玉冒彈翹翹瞥見
瓏玲卸微驚浙瀝搖羽疑藏翡翠畫莫並芭蕉樹外寒
威重松邊霽景遙牆陰渾一色畱待月光描

懷素先生集 卷一
歲暮述懷示諸同志五首

已過一萬六千日曾是東西南北人
木榻幼安跌跡舊頭顱宏景鬢絲新
檻猿終憶深巖月 櫪驥空懷廣陌塵
天地側身傷老大 竟無尺寸報

君親

位置天原別等儔 商量何術我從遊
垂堂戒在千金子 多竹豪於萬戶侯
田舍翁惟知考牧 江湖客亦善持籌
耦耕貨殖俱無分 早晚花溪覓釣舟

故交歷數半驚猜 生者長離死可哀
幾輩但餘墳上草 異鄉須折嶺頭梅
胸多歌哭關今古 分有枯榮怨往來
一紙書猶抵金玉 敢期鮑子更通財

閏年節物早更新氣候乘除轉不均錦合街頭爭饋歲
綵箋臘半已書春老懷最怕流光速禴祭還祈受福頻
積雪殘冰何澔泮韶陽暗算卻過旬

鷓鴣偃無貪尙忍飢且隨髻穉作娛嬉書童放學禽開籠
債主催逋犬吠籬羸得蕭閑官事少卻於疎拙散材宜
幾時五嶽遊方遂纔是開頭嫁娶期

時將爲長
兒娶婦

悅親樓詩集卷十七終

門人朱霞校字

悅親樓詩集卷十八

丁未

海寧祝德麟止堂

古今體詩五十九首

元旦 太和殿侍班

御爐烟起靄氤氳萬國冠裳兩翼分五十二年太平日

四千餘歲

言自堯以來

古稀君光華日月開元會臚句宮廷渙大文

元旦冬至及聖

壽節鴻臚官於殿上讀賀表百官皆跪聽獨有殿中簪筆吏班心突兀出人

羣糾儀御史分班侍立不拜即古殿中之職也今以監察兼之

耕亭分餉 賜果

庶子 青宮傳元正 錫予蕃分甘期共福飲水必思

源渴解馬卿痼情知陸績敦

母夫人就養時方南還

拜嘉翻感激

史館記承

恩

向直修書館每於歲除拜賜

長兒成室

著代有明文禮成敢草草練時撰吉日穀旦天然造

時

入日從來子克家端亦賴婦道所期家子賢或仗新婦
好昏合席牢卷晨見筭脯棗門闌喜氣多歲序春光早
向平累方始余翁妻亦媪那不學癡聾汝曹成我老

齋期獨宿公廨卽事

巷柝樓鐘斷續聞當窗月色爛如銀隔牆周澤同齋禁

太常寺公署與都察院鄰比

對宇施讎兩病身

同年慈不鐵宿於山東道廨時亦病嗽

人與柏鳥相伴宿僕於櫪馬幾迴巡明膏警枕清無寐

大祀趨陪敢不寅

小憩菊溪頤園主人未歸卽題其壁二首

忽到蘭成宅閑園及早春
琴書何整妮草樹欲鮮新
遊熟馬知路交深僕愛賓
看花期莫負約畧只逾旬

久坐何須主高吟卻待誰
粉牆巡省遍半是我題詩
夏事官難嫺忘憂酒最宜
一編勤校勘要素借書紙

時借閱蘇

詩批本未歸

出僂門訪秋谷不值二首

得水思浮權招招喚渡慳

水初泮舟楫未具

綠波新皺活翠柳

舊容還吏有卑棲穩鷗真出世
閑不因沽酒去何事入塵闈

犬吠水田外柴門聊繫驂
簾偷小憩塔榻憶深談
樹頂幽禽立鑪香古佛叅
御風何處是霞抹上郊嵐

哭澹園之訃

南雷歿後風流歇賴有諸昆結夙因
豈料汝今爲異物
更將書去寄何人
半月前馳書問疾已慮不及見而訃果至
梅花未了生前債
君好畫梅間臨終寫梅半幅而逝
詩句難磨卷裏神
不獨寢門紛雪涕
部民幾處定霑巾

題秋谷聽水移情圖

井序

官不必其卿相也
唯其適而已地不必其山林也
唯其安而已官要而不適則軒冕皆桎梏也
地僻而不安則終南亦捷徑也
唐子樹聲抱用世之才

納粟而仕司閘於通惠河之慶豐斯真抱關擊柝者流而其地又處筭管喧闐之地宜乎風塵齷齪無夷猶澹泊之趣然而唐子樂之若將終身焉茅屋數間竹籬一桁蒔花壘石焚香煮茗於其閒暇則尋漁父野老相娛戲眠鳧立鷺盡儔侶也春柳秋蘆悉備從也無鞅掌倥偬之煩無折腰迎送之苦士君子之官於京者以其地有水木之勝成樂造訪客至則具雞黍開尊讀畫極歡而後罷或掃榻翦燭畱信宿余往來最熟一日出程生所繪圖乞名余示客而歎曰嗚呼若唐子者非所謂自適其適隨遇而安者哉爰廓其旨趣題之曰聽水移

情而系以詩

茲圖何自披晴窗吾友唐子修且厖一官比似昌樂瀧
司水但聽水椿擬三版上下力士扛平準孟益毋涸涿
衙齋蝸縮陵碕瓦門外雜沓紛吮吮運舡絡繹維杙椿
腳夫負戴螻度檣啞焉隱几心不撞晝長護花吹花尤
夜壁孤照影伴缸有時招客傾雞缸君家京口雄繁邦
乾坤擺蕩走大江金焦銀蒜爭崆峒檣帆蔽天來幢幢
憑高一覽景莫雙舍此不歸毋乃憊浮萍寄蹤隨洞澗
境之所適心則降何必高慕襄陽龐春風楊柳榮枯腔
秋雨蘆荻森利鏗三閒茅舍如牽艘此中有余足音登
卷還猶剩聲淙淙

花朝

花朝云是花生日春早猶無半朶開忽過雲陰晴色逗
乍吟詩句鳥聲來輝輝但有紅牋拂

花朝人家多翦紙
貼樹謂之挂紅

爛爛何當羯鼓催莫道吾廬芳樹少一枝兩榦亦低徊

題紅衣釣師圖

紅衣跌坐碧溪隈不是羊裘百尺臺名士已憐多似鮒
莫教陽鱗上鉤來

晚春

庭枝未見紅苞拆砌草纔看綠意含已是暮春三月節
教人爭不憶江南

偕劍亭訪花信

預恐芳期或後期雙驄逐處訪繁枝與花又是經年別
惟我猶堪老輩隨山藥煮畱他日約寺僧畱齋海棠開
到二分時冥情事事皆拋墮仍爲春光一動思

越日微雨憶花事

春風狂潑逐日吹雨絲送潤膏去聲天街不須更說益花

姹但壓麴黃塵亦佳昨陪曹老訪蕭寺恰值海棠初破
睡世人只解賞花顏那識花情與花意花情離合不可
叅花意有無脈脈含一點絳脣憑索笑十分酒暈正扶
酣朝來流豔胭脂溼定有新妝添熠熠珠簾紅淚冰
闌干惹得相思夢魂急

集蘭亭敘字爲四言詩五章贈露仲并引

三月三日欲循修禊故事無所往因過愛吾廬露
仲方培山種樹課丁擔泉沃溉奔走指揮於風日
之下面目黧黑僮奴竊笑其苦而露仲樂自若也
大凡人世之樂境不常志之所向樂卽在焉習富
貴者以圭組玉帛爲樂雖浙矛炊劍弗顧也耽學
業者以鑽研浸淫爲樂雖匹羊漂麥弗悔也慕山
林者以清泉白石爲樂雖櫛風沐雨弗怨也露仲
致身清華侍直 禁近一旦絕意富貴諗養屏居
築園亭以奉太夫人凡其壘一石樹一木無非所
以娛太夫人者其志不在林泉也則其樂亦不盡
在林泉也蓋其胸次澹泊而又獨得乎人世不能

得之樂以視安仁之閑居宏景之白雲豈可同日
而語哉匹友沈子南雷與露仲爲篤契南雷歿露
仲所知者惟余與鄭秋浦及其門下任子田施小
鐵數輩能知露仲者亦惟余二三人而已平居過
從最熟值其有事於斯也賞羨不已因集字爲詩
贈之

興言禊日自古所崇昔賢不作無可與同遊絲放誕浪
迹春風引領斯人信其有終

歲敘遷流不知春暮豈無世人可以會悟

本悟字

氣類或

殊言懷少趣其室旣幽其人一遇

託興由己一不異萬林亭在日蘭竹相閒爲山引流樂

不言倦

本倦字

事大

他盡切

夫人娛此盛觀

終日靜坐錄述所長臨文稽古或況老彭踈妄盡化言
詠相將俯仰欣欣感此一觴

修修之竹曲曲之水昔有蘭契詠遊於此林陰去聲不永
嗟嗟死矣人生若寄得不自視

雨

憂麥盼雨長惜花畏雨傷人心自懷私天亦難兩爲那
能腹中飽又復眼中好但得麥畦青寧使花飄零

三月十七日送春

春風如遊子飄轉無所依百花吹欲盡浩蕩方言歸問
春何處歸春亦不知處黃金北斗高難買青陽住紛紛紅

駭綠一霎時破費天公無限資
春來春去自灑落就中
惟有青松枝

和夢樓素食歌

并引

夢樓長齋奉佛秦西巖觀察邀之素食具特精美
甌北先生亦在座作歌嘲諢夢樓解之錄詩寄示
并謂余當瞿然於戒殺師友之間不必左右袒也
因和一篇

何曾下箸日萬錢庾杲食鮭廿七種醇醲澹泊亦何常
堪笑世人口腹奉仁民愛物貴得平聖人制禮垂爲經
但爲祭祀爲賓客牛羊犬豕原當刑旁及鳧雁雉鹿兔
獵山漁水供羶腥犧牲牲可易以麩蕭公何爲幽臺城

卽以陰陽養生論八珍五味工熬烹君子祇存遠庖意
食其肉惡聞其聲若使六畜盡不用充寒天地皆眾生
轉愁率獸食人食獸多人少難安寧寶蓮菴主事佛謹
每飯只知索蔬荀儒釋教異理則同彼說慈悲我不忍
近聞淮海招入筵肴核勿許開葷羶烝盃得非鄭餘慶
煮豆或是石季倫卻從樸素出新巧誇奇鬪異羅氛氳
廚孃製就亦目眩座客旣饜猶垂涎甌北老人廣長舌
投以素食歌一篇意嫌本來面目失遂將滋味方嬋娟
號國姨曾天寶亂卓家女亦臨邛奔老人罕譬固游戲
先生俊辨何紛然余雖未受菩薩戒厭齋豈是韋陟輩
無故不殺取適中偶喫五祖肉邊菜感君開示誦君詩

請下轉語君聽之貞淫誠不在妍醜
嫠婦豈合描蛾眉
冰霜自矢柏舟節人閒伉儷容雙棲
倘令處子都不嫁
潔身亂倫毋乃譏

楊梅竹斜街藤花廳爲錢塘梁文莊公故第
余二十二年
前曾一到昨訪客過此已爲逆旅主人
藤花正開亦衰悴非復舊觀矣感賦長歌

長安卉木紛如簞端賴名賢畱勝迹
海波街存詩老廬

朱竹垞古藤書屋在海波寺街今猶存

時晴齋說尙書宅

汪文端公第

相

公清望在巖廊第一流
傳翰墨香門外沙堤憑護築堂
前花簿自平章紫藤舊是前人種
繡闥七閒蓋無縫分
得薇垣色最妍倚來蓮府名尤重
偶逢朝罷正花開珠

履貂冠笑語陪那欠酒波長似海只嫌蠟淚未成堆賞

花不獨將花祝百歲千春因獻壽紅杏春風總吉祥黃

花老圃非寒瘦自知驕貴異凡葩花亦奔騰張

去聲

綺霞

夜逐火城相映發朝榜華蓋遍周遮主翁一旦騎箕去

折券千緡他姓據門館當時客埽難投巢今聽行人寓

雜沓庭階走保傭簾櫳依舊度春風畫梁燕去牽蛛網

卸砌人來捉馬通十丈朱棚半欹側婆婆花意羞無色

連檐柯榦盡淒涼滿地飄殘空歎息賢郎與我夙論交

官拜司空地位高別構幽軒含窈窕好排奇石出嶮嶮

鐵幢澹足軒垂
雲石曾爲作歌去年歸葬西湖土一片玲瓏誰作主昨

向門前問影蹤傷心付與看錢虜高門興替幾多時亦

等花光有盛衰平津廡庫尋常事華屋山邱無限悲

病瘍

人生具百骸貴賤分條綜其實一體關都不耐疾痛卽如十指中未必指指用無名況居後伸屈隨伯仲一旦偶不仁四指失控送轉疑此指尊餘指盡爲從至于頭面閒耳目鼻口重五官各有司其誰敢侮弄腦後乃甌脫厥地隱且空本無顧瞻及何妨蠻觸閔休沐忽得創未審毒所中函圍陡起墳臃腫不解凍謂宜攻之急巨賊莫輕縱誰期突圍奔蔓延滋益眾那能摩頂愛頓學強項鸞欹枕礙峻嶒著冠苦悞幪終朝血淋漓匝月髮鬢鬆始知癬疥憂一累牽百動養癰患固貽操切勢易

哄凡事無不然聊爲吮疽誦

瓦歎壺

一種軍持器提攜用足嘉耳輪環口暈匏樣尙陶家壺
頸抽身直蓮蓬著子奢清塵從擁篲蘇渴爲澆花剗處
橫陳慢噴來創挂斜盤旋場走馬撇振瀾飛蛇齊迸蛟
人淚初騰蟹眼茶沫飛疑瀑布珠落想琵琶巧製縣泉
得爾雅沃泉縣出縣出下注謂自上瀉下神通喚酒誇勻圓篩細細逼
搯出些些端木機教息元規汗許遮散絲爲窰點泣露
到焦芽但使恩膏溢奚勞滲漉加短檠同棄置老圃寄
生涯芒種催耕急茅檐望澤賒挈瓶何所補且晚佇雷
車

宿澄懷園曉登閣眺望二首

觀閣何岩傑參差水草交風來穿柳岸月出挂松梢

續蛙聲聒跳踉鼠意哮平津何必問今作鳳皇巢

索相國故

園今爲 尚書房
翰林退直之所

上苑通佳氣憑高一覽閒禁林仙鶴舞

御扁帝鴻顏

閣中供奉
祖賜額曰青翠霄漢

聖澹沲周圍水微茫一

角山陌塵常鹿鹿宗炳意源閑

聞甌北先生隨制府李公入閩先生爲李公屬

吏曾受薦剡時方有事臺灣李公奉 命駐節

泉州籌辦軍務路出毘陵邀先生入幕固辭不

獲乃強起就道焉奉寄一首

早解榮祿作經師剩有征南劍鏞滋幕下暫酬嚴僕射
軍中喜得傅修期好騰露布平昆舍臺灣舊名昆舍
郡見文獻通考 踏込鞞訪武夷大抵詩翁似名將天教搜遍海山奇

題秋浦拈鬢獨立圖

髮膚遺父母尺寸貴持執全受斯全歸舍此夏莫急鬢
髯雖後起一氣所因襲以之表丈夫峩冠高岌岌始生
但知臥能坐乃學立既立然後行動定有等級洎乎善
行後奔趨共汲汲或顛或蹶蹶失足啜其泣君本蘭臺
彥日費諫紙給四顧絕倚傍

帝座通呼吸一朝罷官歸茅屋數閒葺書牀逼竈觚琴
薦澗豕苙處之卻泰然俯仰若素習不爲盤霜鵬卽作

忍凍蟄邨落偶摹繪幽境在原隰徜徉興固佳延佇影
聊戢拈鬢何所思世事早收拾曠然冰雪胸塵念定不
入得非哦詩時茫茫百端集君身修且潔挺特不可及
獨往還獨來誰能驥足繫憑添頰上毫風骨想衣褶

十三本梅花書屋圖歌爲少林題其曾祖樓邨

先生遺照

是何境界清且瑟鐵榦瓊枝籠淡月厖僧老者闐然來
得非卯金逢太乙青藜在手火不爇忽把瑤林數一一
寒花冷蘂作餽糧云付汝爲療飢物疎疎密密十三株
一夜玲瓏枕上發仙宮有分不難到香國無端畱彷彿
先向百花頭上開狀元久已自安排只因嬾試調羹手

天遣家山早放回，烏衣堂空飛燕子。白馬湖冷寒江灘，
回頭卻憶夢中事。芙蓉城，幻桃源，迷無何，有鄉託書屋。
那得冰雪羅浮姿，祇今傳者定何物。禹鴻臚畫他山詩，
君子之澤流未艾。文孫克紹科名派，當官飲水嚼梅花。
羞爲俗吏食肉態，達人乞遺徧纒素。先世清芬惟此在，
逝將三十六陂閒。傳何遜解虛者實之興，近癡
天淵魚鳥曾何害。莊子見當時縱權園梅花莊已豪。
家賣喬侍讀石林縱羅

園在寶應亦有園

彭雲楸大司馬見示詳校 文淵閣四庫全書

紀事詩次韻二首

弗論老宿兼新進，何幸同窺祕府藏。集事最宜鳩廣眾，

求精底厭費叅詳風生 殿閣甌茶韻星應雲霄杖火
光銷夏自來無此樂暑移卯酉不知長

百忙曾不廢高吟寫出平生體國心言自

聖門遊乃大學原古纒汲能深萬函有葉憑除埽雙眼

余始
充詳

校官繼司音
譯之役故云

七夕一百烏嘲烏鵲

離別人閒恨易銷女牛相隔任迢迢不知何事干靈鵲
甘爲頭童替駕橋

烏鵲荅

雙星婉變怕風波但有顛毛敢惜磨只恐佳期成邂逅

併敘羽族盡填河

校 文淵閣四庫全書告竣將次第校勘文淵

等三閣書籍頒貯江浙紀事四首

改秩霜臺閱二年豈期身復到 文淵言官仍盡詞臣
職冊府疑關宿世緣豕且渡河須正謬蠹能食字幾成
仙昇平無可言酬報或展涓埃在簡編

駝筆朝朝傍玉除巾箱拋卻爲官書九關虎旅音皆熟
三館鵷行面不疎囊粟早周飢曼倩歐寒還解渴相如

上特派大臣專司茶湯 勉期落葉紛紛埽有宮人燕燕居

瞥眼俄經五月期手胼猶自不停披宮鴉出入如相背

禁樹炎涼亦漸移銀餅流脂韋燠詔

自塞上馳賜乳酥餅香羅曼

雪杜陵詩

各拜紗
葛一襲

微勞尚荷頻仍

寵科目人終勝百

司

天時也。要審寒暄。惠我東南部。帙繁所恃光容。明必

照敢云職在勇能言

謂近日
陳秦事

嚴宵家有然藜樂

俞旨

人知挾纒溫免使奔波風雪裏公私調劑總仁恩

重至教習庶常館有感二首

輩行虛推十一科才名宦蹟兩蹉跎仙壇曾記持花帚

師席何堪執匠柯

余先充提調
繼爲教習

歷歷山頽者舊感

余館
師爲

尹文瑞

公劉文正

公劉文定公

及承乏提調座主王文

莊公

領教習奏修館舍商定一切章程今徂謝俱十餘

年矣離離鳳翽吉人歌玉堂回顧非天上看取芳生不隔

岐

資深那免陳人笑歲久差能掌故詳未掃巢痕空屈曲

已闌磨跡獨徬徨一通啟似慙司馬

故事庶常拜謁前輩先投四六啟一

通今此禮久匹矣宋時溫公不善四六

再拜風猶愛餽羊若使天聽吹引

去三神山外少津梁

是日荅拜新庶常行交拜禮散館改授他職後輩例不通謁故戲云

贈鴻臚卿劉樸夫給諫輓詞三首

三十彪之白鬢鬢早衰知爾迫桑榆隨

鑿萬騎秋如

畫入塞單車病強扶

君以軍機行走扈從塞外初秋始告病回京

經筵欲傳

無驥子銘旌空署有鴻臚惠連斷絕池塘夢屬續彌驚

子影孤

令弟存子時視學河南

熱地偏存澹退胸夏於艱鉅見雍容障川平賊功胥贊

秋獨春巡事必從卿相立談資器識親朋仰潤舉炊春

飾終典已超常格太息頻聞到

九重

詔賜白金百兩治喪加贈卿

銜異數也

卅載回頭曉夢殘機雲交誼紀羣歡烟霄幾輩功名遠

曹竹虛司農

畢秋帆開府 潤陸何人杖履寬

趙緘齋王夢樓諸子皆辛巳癸未間同訂交者

也又送翔鸞歸縹緲尙畱跛躄步蹒跚看君擦手懸崖去翻笑吾曹未遠觀

樸夫蓋棺之次日正室湯恭人盡節以殉 特

旨予旌同人哀其志而義其舉各賦詩以表之

泰山鴻毛等死耳女子丈夫同一是但爲名教肯捐軀
矯激卻合中庸理上無尊章下無兒未亾人叟生何爲
溝瀆雖云匹婦諒此與忠孝爭盈虧瓊瑤作麀玉作根

雲爲衣襦霞爲裳珠璣錦繡盡土苴與君一命相存匹
小姑羣妾窺其志且晚深閨嚴守視吞聲咽咽不呼天
血淚涔涔流滿地五更庭樹叫孤鷗燈火青熒畢命時
一條朱絲繩婉變含笑徑赴黃泉期樞府聞之驚且歎
飛箋奏上 明光殿煌煌綽楔旌門閭斷斷南山石一
片同朝煒管揚芳馨種木還須種女貞不見烟汀雲澹
裏鴛鴦從古不重生

爛荷葉石歌

并引

莊畊塘案頭蓄石甚富中有靈壁石一形如卷荷
醉後攜歸明日几席靜對作歌寵之并以報畊塘
焉

太華峰頭十丈蓮葉如車蓋插田田蓮枯葉爛玉井邊
希夷睡醒手自搯散落人閒餘一卷色黝氣古形體偏
莊生作供疑雲烟吾廬舊有石屏風誰其贈者梁司空
爐鐵寒鴉陣繞枯木叢畫所不到神有工石畱人去何恩
恩以之持配介德同此情與石長無窮

折楊柳送人出塞

客舍垂楊未忍攀送君西出玉門關 聖朝關土無中
外一路青青到雪山

題蜀棧圖二首

危崖欲上又逡巡百轉千迴歷苦辛樹樹夕陽啼杜宇
馬頭盡日不逢人

紅崖翠閣昔經過
幾處登臨著嘯歌
十八年來畫中路
白雲猶似舊時多

怨情二首

揭開妝奩鏡明月
飛碧岑怪他照人面
不照愁人心
妾有繡羅衣送與新人著
未知身短長是妾嫁時作

夢樓久客楚北寄詩惱之

君昔挂帆瀛海東
手攀旭日扶桑紅
歸來平地視江漢
涓涓一線流杯中
又曾作郡滇雲道
吏治軍功著蠻獠
點蒼山色瀾滄江
馬上吟詩愁絕倒
三湘七澤舊經過
中有騷人哀怨多
關隴吳越走不足
更催飛檝陵洪波
逃禪偏又愛聲妓
教成歌舞何嬌美
散花不礙性圓通

捧盞定增情綺靡載將桃葉渡頭風絲竹中年致不同

南路已得徐君舊東道况遺陳孟公

謂陳望之方伯

暮臨鸚鵡

朝黃鶴坐擁江山懷抱拓早輕蘇米萬丈毫那怕崔李
千秋作名高才大興自狂金錢亦充陸賈裘未知徐市
攜童女何若梁鴻對孟光我昨致書託雙鯉此心長逐
悠悠水倘蒙遠道慰相思但寄香蘭與芳芷

于役通州卽事四首

言出國東門驅車遵廣陌曾茲遊詠地卽事憶曩昔黃
沙萬里來氣勢如項籍白日爲蔽虧前途多障礙餓鳴
蹲墓門叫嘯恐行客層冰蓋洲渚一望月無魄鳧鷖何
處宿了不見羽翮徒聞冲冲聲積塊如繫石小牀疑盪

舟纏綿亦絡繹清秋弄漣漪光景等一擲嗟此荒寒境
我馬欲安適勉赴程期王事有行役

徘徊慶豐閘曠蕩起我愁清音失琴筑水簾斷珠旒緬
懷素心友實維高隱儔卑棲安下吏老伴偕鳧鷖春秋
佳日時折簡邀余遊入門羅花竹官舍如小舟一朝歸
思發決去不可留手攜聽水圖詩序從人求以此爲宦
囊笑殺郡縣侯遙知歸早後歲月多優游大江掬明月
高臥北固樓人生但如此何必擁八騶吾亦有故鄉進
退可自由何爲此水邊踟躕不少休貪祿不知止坐令

魚鳥羞

此章懷
秋谷也

同年二百輩一一皆才彥選館卅二人中推李侯健文

章吾所畏筆陳掃雷電莫嗤蛟蚓雜絕勝沙金揀好色
復好書遇事太果斷龍駒蹴九州一蹶不如驛昔年官
通永召客遍東觀主賢地密邇爭喜葦杭優眾中誰最
親往往顧微賤歌管不許收叫號每達且一從返羅江
年年春草換轅門森畫戟衙舍如郵傳驅馬昨過之觸
事餘繾綣斯路乃熟遊斯人不可見

此章懷
雨邨也

劉生肆應才縞紵廿年舊官曹有輩行臺館互前後角
藝清祕堂下筆獨奔駮才可了百人目乃無三覆家聲

承闕閱法服繼牙繡

君尊人亦由
御史改觀察

淮徐事疏塞治河書

立就昨歲持服歸暫停善舞袖每思命駕訪遷滯方抱
疾下車抖塵衣忽聞門亟叩開戶乃見君一笑喜邂逅

燭跋談不休晨起復粲授此行本爲公私願轉得副君
如千鈞弩引滿不離殼我如三尺檠煎熬不自救與立
遇僑榮益形憔悴陋投詩君勿哂敢作差池臭

此章贈純齋也

哭畊塘考功

有生孰不死修短未足愕不知近世人壽命何脆薄談
笑詎隔辰宴衍猶及昨百年未過半奄忽遽零落難兄
去塞垣曾不助浴柳黃口半歲孤抱拜無人託緬君生
平行癡黠記約畧東方善談嘲枚臯工著作慧根淨冰
雪絢采麗金釐文命兩不諧銛鋒失干莫玉堂改粉署
猶可伸屈蘄仕宦只如此浮雲蒼狗若友于敦至性哺
養遍花萼幹蠱尤所難納緩戍籍削爰拜五花封顯揚

志遂獲柰何如斯人而竟遭凶虐身後何所有盈牀石
磊落元章癖堪嗤妻兒難煮嚼前旬邀客賞醉中一片
攪作歌及梁公終成讖語惡芸籤冷架帙桂釀罷筵酌
何處更尋君岡頭華表鶴

喜秋浦至京集露仲愛吾廬話舊

子真耕谷口終歲不入城獨冒來京輦多緣愛友朋吾
今嬾無匹廢書閉柴荆人閒死喪威焉得竟忘情坐攪
老懷惡兼怕求友聲息交而絕游從此師淵明存者有
王郎篤契真忘形是惟不相見見則惟子稱晨興聞駕
至倒衣不及迎遂造愛吾廬相對歲已更良朋經久別
積思千萬層幾疑會面時絮語長於繩及見翻漠然所

道惟居恆返觀驗素抱消釋春池冰烏啼天欲雪風色
搖燈青多言竟何益且可傾盃觥

除夕

眼前綠女夏紅男列拜參差禮數諳俸橐餘錢教厭歲
門生嘉果又分甘耕亭餽賜果無多聲病詩應祭最後屠蘇
酒一酣假寐不須銀燭跋五夏龍尾趁朝參

悅親樓詩集卷十八終

門人顏棟校字